


世界書局印行

景印
藻堂

四庫全書薈要

史部
第八冊
第六年
編類





本冊目次

書名及撰人

卷次

頁次

御定資治通鑑綱目三編四十卷
清乾隆三十九年詔廷臣
就乾隆四年本增修

卷一至卷四十

一七二——

欽定四庫全書薈要

史部

御定資治通鑑綱目三編
上諭
卷一

詳校官編修臣汪鏞

乾隆四十年五月十五日內閣奉

上諭前曾命倣朱子通鑑綱目體例纂為明紀綱目刊行已久茲披閱葉向高集見其論福藩田土疏所叙日旨意云養贍地土原給四萬頃卿等屢奏地土難以湊處王亦見辭今減去二萬頃云云則福王當日所得之田僅二萬頃今綱目載福王常洵之國條云賜莊田四萬頃中州腴土不足取山東湖廣田益之與向高有不合又所載青海朶顏等人名對音沿用鄙字與今所定同文韵統音字及改正遼金元國語解未為畫一是張廷玉等原辦綱目惟務書法謹嚴而未暇考核精當尚不足以昭傳信著交軍機大臣即于方畧館將原書改纂以次進呈候朕親閱鑒定其原書着查繳欽此

欽定四庫全書

御定資治通鑑綱目三編
上諭

乾隆四十年五月十八日内閣奉

上諭昨因明紀綱目考核未為精當命軍機大臣將原書另行改輯候朕鑒定因思綱目三編雖亦曾經披覽但從前所進呈之書朕鑒閱尚不及近時之詳審若通鑑輯覽一書其中體例書法皆朕親加折衷一本大公至正為可法則此次改編綱目自當倣照辦理又明史內於元時人地名對音訛舛譯字鄙俚尚沿舊時陋習如圖作為免之類既於字義無當而垂

欽定四庫全書

御定資治通鑑綱目三編
上諭

三

之史冊殊不雅馴今遼金元史已命軍機大臣改正另刊明史乃本朝撰定之書豈轉可聽其訛謬現在改辦明紀綱目著將明史一併查改以昭傳信朕非于此等音譯字面有所偏袒蓋各國語音不同本難意存牽合即如滿洲蒙古文譯為漢文此音彼字兩不相涉乃見小無識之徒欲以音義之優劣強為分別軒輊實不值一噓朕每見法司爰書有以犯名書作惡劣字者輒令改寫而前此書回部者每加犬作

狍亦令將犬旁削去誠以此等無關褒貶而適形鄙俚實無足取況當海寓同文之世又豈可不務為公溥乎將此通諭知之所有原頒明史及綱目三編俟改正時並着查繳欽此

欽定四庫全書

御定資治通鑑綱目三編
上諭

三

御撰通鑑綱目三編原序

編年之書奚啻數十百家而必以朱子通鑑綱目為準
通鑑綱目蓋祖述春秋之義雖取裁於司馬氏之書而
明天統正人紀昭監戒著幾微得春秋大居正之意雖
司馬氏有不能窺其藩籬者其他蓋不必指數矣嘗謂
讀書立言之士論世為難非如朱子具格致誠正之功
明治亂興衰之故其於筆削鮮有不任予奪之私失褒
貶之公者自綱目成而義指正大條理精密後儒有所

欽定四庫全書

御定資治通鑑綱目三編
原序

依據踵而續之由宋迄元釐然方策至明代君臣事蹟
編輯之難更倍于諸書蓋明史已成於百年之後而世
變風漓記載失實若復遲待將何以繼續編而示來許
爰亟命儒臣法朱子通鑑綱目義例增損編摩大書以
提要分注以備言每一卷成呈覽朕於幾暇亦時御丹
鉛為之叅定雖於天人一貫之精微未之能盡而惟是
謹嚴之義守而弗失簡正之旨志而必勉書既成羣臣
舉唐太宗之事為言勉從其請而為之序云

乾隆十一年夏四月朔御製

欽定四庫全書

御定資治通鑑綱目三編
原序

凡例

一網目三編現在遵

旨照

御批通鑑輯覽改纂凡紀年系統諸大端及一切書法均應仰遵

筆削定例永示準繩至三編原本每年所列網目不過數條而輯覽內條款較多于一代治忽所關更為明備自應將輯覽所增一併敬謹添輯

欽定四庫全書

御定資治通鑑綱目三編

凡例

一查朱子綱目原有尹起莘發明劉友益書法及質實正誤附入各條綱目之下明代所修續綱目內亦有發明廣義諸條皆所以推闡大義考證故實足為本書羽翼而綱目三編內從前未經辦及現在御批通鑑輯覽俱仰稟

睿裁大旨微言昭揭星日臣等遵照改輯自應于

特筆所在各做照前例恭加發明詳悉闡繹庶

袞鉞謹嚴大公至正之意更足昭示萬世至其間姓名

爵里及輿地官制等類本文內未能該盡者並擬各加質實俾讀者開卷了然似于體例尤為周密一原書內如載福王之國撥給莊田四萬頃一條葉向高集內實作二萬頃仰蒙

聖明指示臣等因檢明史福王傳內詔賜莊田四萬頃句下有所司力爭常洵亦奏辭得減半之文因原書採摘未全紀載遂致失實又福王傳于此條下尚有奏乞張居正沒產沿江洲稅四川茶銀淮揚

欽定四庫全書

御定資治通鑑綱目三編

凡例

並引河南北齊楚間所至騷動等事必須連類並載足以見神宗寵溺失德之實而原書概行刊除亦不免過于簡畧今擬各條紀事俱將明史紀傳逐一參訂考核異同如有舛漏即行詳確改正其或有情事未能詳盡者亦各酌量添修務令首尾該具核實無訛庶足永稱傳信

一網目三編內所有蒙古等人地官名之對音訛舛譯字鄙俚者均應做照現辦遼金元國語解之例

譯改

一此次改編綱目折衷論定均仰荷

聖訓詳明應請恭錄前後

諭旨冠于簡端次列

御製原序庶俾辦理原委次第秩然

欽定四庫全書

御定資治通鑑綱目三編
凡例

三

總裁纂修提調收掌諸臣職名

總裁

經筵日講起居注官

太子太保武英殿大學士管理吏部刑部三庫臣

舒赫德

經筵日講起居注官太子太保文華殿大學士管理戶部事務翰林院掌院學士兼鑾儀衛經歷都尉

于敏中

經筵講官

太子太保鑾儀衛御前直學士銜內閣協辦大學士吏部尚書兼管都察院尚書事務總理事務府三司官吏部管理武備院圖書事務總管內務府大臣鑾儀衛經歷都尉

和 珅

經筵講官太子少傅協辦大學士戶部尚書教習庶吉士

梁國治

經筵講官吏部右侍郎

彭元瑞

經筵講官刑部左侍郎

錢汝誠

欽定四庫全書

御定資治通鑑綱目三編
職名

纂修

日講起居注官文淵閣直閣事翰林院侍講學士今陞內閣學士兼禮部侍郎

朱 珪

日講起居注官翰林院編修今陞文淵閣直閣事詹事府詹事兼翰林院侍讀學士

翁方綱

日講起居注官翰林院侍讀學士

褚廷璋

文淵閣檢閱協辦內閣侍讀中書

顧宗泰

內閣中書

張姚成

音譯纂修

翰林院編修今陞淮徐道

劉錫嘏

翰林院編修臣宋銑

戶部主事臣呈麟

戶部主事臣善慶

理藩院主事臣巴達爾瑚

刑部筆帖式臣文海

工部筆帖式臣齡椿

大理寺筆帖式臣馬廷模

提調

欽定四庫全書

御定資治通鑑綱目三編

二

戶部銀庫員外郎今陞內閣學士兼禮部侍郎臣松筠

光祿寺卿今陞噶什喀爾都統臣保成

戶部陝西司主事今陞西安副都統臣敦倫泰

戶部銀庫員外郎今任兵部武選司員外郎世襲一等輕車都尉公中佐領臣伊江阿

戶部江南司員外郎今陞山西道監察御史公中佐領臣舒瀛

都察院副都御史今任貴州布政使臣孫永清

原任鴻臚寺卿江西布政使臣馮應榴

戶部陝西司郎中今陞吏科給事中臣劉謹之

兵部武選司員外郎今陞江南道監察御史臣汪日章

收掌

戶部廣東司員外郎今陞江西贛州府知府臣富尼善

吏部文選司主事臣索明阿

理藩院主事臣台布

刑部浙江司員外郎今陞山西道監察御史臣吳熊光

工部都水司郎中臣蔣謝庭

吏部考功司員外郎臣程維岳

欽定四庫全書

御定資治通鑑綱目三編

三

欽定四庫全書薈要

御定通鑑綱目三編

提要

臣等謹案

御定通鑑綱目三編四十卷乾隆四十年奉

勅撰初大學士張廷玉等奉

勅採明一代事迹撰通鑑綱目三編以續朱子及

商輅之書然廷玉等惟以筆削褒貶求書法

欽定四庫全書

御定通鑑綱目三編
提要

之謹嚴於事迹多所挂漏又邊外諸部於人

名地名多沿襲舊文無所考正尤不免於舛

訛夫朱子初例之初原以綱仿春秋目仿左

傳春秋大義數十炳若日星然不詳核左傳

之事迹於聖人予奪之旨尚終不可明況史

籍編年僅標梗概於大書而不具始末於細

注其是非得失又何自而知即

聖諭所指福藩田土一條其他條之疎略可以例

推譯語惟取對音原無意義而宋人好妄生

穿鑿乖謬不經如趙元昊自稱兀卒即烏珠

之轉音而宋人訛為吾祖遂以為元昊見侮

又如蕭鷓已亦非漢名而宋人以對曾純甫

借鷓鴣之音以為惡謔沿及明代此習未除

如

聖諭所指朵顏青海諸人名書圖為兔之類亦往往

而有鄙倍荒唐尤不可不亟為釐正是編仰

欽定四庫全書

御定通鑑綱目三編
提要

稟

審裁於大書體例皆遵

欽定通鑑輯覽而細注則詳核史傳補遺糾謬使

端委秩然後各附發明以闡褒貶之義各增

質實以資考證之功而譯語之誕妄者亦皆

遵

欽定遼金元國語解一一改正以傳信訂訛較張

廷玉等初編之本實倍為精密

聖人制事以至善為期義有未安不以已成之局

而憚於改作此亦可仰窺萬一矣乾隆四十

九年十一月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

御定資治通鑑綱目三編
提要

三

欽定四庫全書薈要卷七千四百十三 史部

御定資治通鑑綱目三編卷一

起戊申元順帝至正二十八年明太祖
洪武元年盡壬子明太祖洪武五年 凡五年

戊元順帝至正二十八年 是歲閏七月元
申帝出奔以後為明太祖高皇帝洪武元年 春正月吳

相國李善長等奉吳王朱元璋為皇帝國號明

元璋字國瑞先世家沛徙句容再徙泗州父世珍始
徙濠之鍾離生四子元璋其季也母陳氏元天曆元
年元璋生室中數有光此長姿貌雄傑志意廓然至
正四年大饑疫時年十七父母兄繼歿無所依乃入
皇覺寺為僧游食諸州復還寺是時元政不綱盜四
起方國珍起海上劉福通奉韓山童起潁州徐壽輝

欽定四庫全書

御定資治通鑑綱目三編
卷一

一

起蕪水眾各數萬他盜擁兵據地寇掠甚眾十二年
定遠人郭子興等起兵濠州元璋謁之子興奇其貌
留為親兵戰輒勝妻以所撫馬氏女明年收里中兵
得七百人子興署為鎮撫既而與所部將徐達湯和
費聚等南畧定遠降驢牌寨民兵三千襲張瑄院於
橫澗山收其卒二萬道遇李善長與語大悅留掌書
記遂東攻滁州下之其年張士誠起高郵十五年子
興遣張天祐等攻拔和州命元璋統諸將守其地未
幾子興卒福通立山童子林兒于毫檄子興子天叙
為都元帥元璋及天祐為左右副元帥元璋不受然
以其勢方盛可倚藉乃用龍鳳年號以令軍中常遇
春來歸遂渡江拔牛渚下太平十六年取集慶路改
為應天府會池州已為壽輝將所據士誠自淮東臨
平江諸路轉掠浙西元璋慮壽輝士誠強江左浙右
諸郡遂為所併於是命將取鎮江廣德尋自稱吳國
公次第畧定江左浙右士誠兵不得四出勢漸蹙而

青輝將陳友諒日強二十年友諒弒壽輝僭偽號盡
有江西湖廣地欲東取應天元璋患友諒與士誠合
設計令其故人康茂才給友諒速來敗之於龍灣明
年自將舟師征友諒敗之於江州克其城友諒奔武
昌分徇南康建昌新黃廣濟皆下旋克撫州二十二
年友諒偽丞相胡廷瑞以隆興降改為洪都府元帝
遣使授元璋江西行省平章政事不受時林光屢為
元帥所敗勢大窘二十三年士誠將呂珍圍林光於
安豐破之殺福通元璋馳救擊走珍以林光歸居之
滁州友諒大舉兵圍洪都元璋自將兵救之友諒撤
圍逆戰於鄱陽湖屢敗中流矢死其將張定邊以友
諒子理本武昌二十四年元璋自立為吳王建百官
復自將征理降之封為歸德侯又二年林光卒遂以
明年為吳元年建廟社宮室祭告山川蓋至正二十
六年也二十七年九月徐達克平江執士誠十月命
達為大將軍常遇春副之率師二十五萬北定中原

欽定四庫全書
御定資治通鑑綱目三編
卷一

十一月湯和克慶元方國珍遁入海十二月國珍降
李善長率百官勸進乃以是年春正月乙亥祀天地
於南郊即皇帝位定質實天元年九月文宗即位
改為天元年九月文宗即位
號沛縣秦置元屬濟州明屬徐州今屬徐州府句容漢
縣元屬集慶路明屬應天府今屬江寧府泗州唐置元
屬淮安路明屬鳳陽府今直隸州濠州隋置元改臨濠
府尋復曰濠州明太祖吳元年復曰臨濠府洪武二年
升為中都六年改中立府七年改鳳陽府今因之鍾離
漢縣元濠州治明改臨濠縣屬鳳陽府今省皇覺寺在
鳳陽府城北明曰龍興寺額川後魏置元屬汝寧府明
屬鳳陽府今升府新水唐縣元屬黃州路明屬黃州府
定遠縣元屬濠州明屬鳳陽府今並因之橫澗山在
定遠縣西北七十里濠州隋置元屬揚州路明直隸州
高郵漢縣宋軍元路尋改府明為州屬揚州府和州北齊

屬廬州路明直隸州今皆因之亳州後周置元
屬歸德府明屬鳳陽府今屬潁州府牛渚山北曰采
石相去里許在當塗縣西北二十里太平宋周元路
明改府今因之應天府元建康路文宗改集慶明初
建都今江寧府池州唐置元路明改府平江隋蘇州
宋平江府尋升府元路明蘇州府鎮江宋府元路明
初曰江淮府尋復曰鎮江府廣德晉縣宋置軍元路
明初改府尋降直隸州今皆因之龍灣在上元縣西
北十五里江州隋九江郡唐為江州明改九江府武
昌三國吳郡元路明改府南康宋軍元路明改府建
昌宋軍元路明初改府尋降州屬黃州府黃州府隋置元
路明初改府今皆因之廣濟唐縣明屬蕪州府今屬
黃州府撫州唐置元路明改府隆興漢豫章郡治
南昌縣唐為洪州都督府南唐為南昌府宋改隆
興府元路明改洪都府尋復為南昌府安豐隋壽

欽定四庫全書
御定資治通鑑綱目三編
卷一

州宋壽春府乾道四年改安豐軍元路明復為壽春
府尋降壽州屬鳳陽府今皆因之鄱陽湖即彭蠡湖
在南昌縣東北百五十里慶元唐明州宋升慶元府
元路明初為明州府尋改寧波府今因之南郊在上
元縣東北南山之陽方國珍黃巖人劉福通潁州人
韓山童樂城人徐壽輝羅田人郭子興其先曹州人
父郭公以日者術遊定遠遂家焉馬氏其為明孝慈
高皇后宿州人徐達字天達馮和字昂臣皆濠人費
聚字子英五河人李善長字百室定遠人張士誠泰
州人張天祐郭子興婦弟常遇春字伯仁懷遠人陳
友諒汴陽人胡廷瑞汴陽人後易名美
康茂才字壽卿蕪州人陳理友諒次子
發明是年閏七月元順帝出居北漢明始一統故
例于是年分為二卷以昭正統之公今作明紀綱
目專叙明一代事蹟故於歲首即書洪武紀年仍

列元至正於前雙行分注至洪武二年始大書
標紀兩書體例雖有不同而史法之正則一也

追尊祖考為皇帝

高祖考曰元皇帝廟號德祖曾祖考曰恒皇帝廟號
懿祖祖考曰裕皇帝廟號熙祖考曰淳皇帝廟號仁
祖妣皆皇后詔製太質實高祖伯六曾祖四九祖初
廟祭器如事生之儀質實一祖妣王氏太廟祭器如
事生之儀按明史禮志宗廟祭器用銀以金塗之尋
盡易以金酒壺孟饌每事皆八朱漆盤盂二百四十
曄曄枕簟篋笥
幃幔浴室皆具

立妃馬氏為皇后世子標為皇太子

后仁慈有智鑒好書史當吳漢接境戰爭無虛日
手緝甲士衣履佐軍嘗言治天下以不殺人為本帝

欽定四庫全書

御定資治通鑑綱目三編

四

善之既即位欲官后族謝曰爵祿私外家非法力辭
而止乃追封后父馬公徐王修墓置廟標后長子也

質實馬公逸其名后母
鄭姬追封王夫人

以李善長為左丞相徐達為右丞相

善長有智計習法家言策事多中帝嘗問曰四方戰
關何時定乎對曰漢高起布衣豁達大度知人善任
不嗜殺人五載成帝業今元綱既紊天下土崩瓦解
公濠產距沛不遠山川王氣公當受之法其所為天
下不足定也帝稱善諸將來歸者善長察其材言之
帝便為帝布欵誠使皆得自安帝深倚之自將征討
皆命居守轉調兵餉無乏嘗請定鹽茶法斟酌元制
去其弊用益饒而民不困帝稱吳王時拜右相國吳
元年封宣國公十月命百官禮儀俱尚左改左相國
而徐達為右至是詔以左丞相兼太子少師達年二

十二從帝與常遇春俱為軍鋒冠及為大將拔鎮江
克常州寧國盡獲諸將帝稱吳王為左相國克廬州

平湖湘及淮南北拜大將軍征吳達與遇春約日師
入我營其左公營其右令將士曰掠民財毀民居離

營二十里者斬既破平江執士誠吳人安堵如故封
信國公長於謀畧所至不擾帝諭諸將御軍持重有

紀律戰勝攻取得為將之體者莫如大將軍達北
定中原齊地悉平至是為右丞相兼太子少傅質

實鹽茶法按明史本紀至正二十一年春二月甲申
立鹽茶課食貨志初立鹽法置局設官二十取一

引茶百餉輸錢二百常川隋置州寧國唐置
軍廬州隋置州元皆為路明改府今皆因之

庚寅彗星見

彗星見質實元史順帝本紀明史天文志同志入云
於昂畢質實三月辛卯彗星出昂北大陵天船間長

欽定四庫全書

御定資治通鑑綱目三編

五

八尺餘指文昌近五車四月已酉沒
於五車北按彗見除舊布新之象

征南將軍湯和克福建元平章陳友定死之

先是至正二十六年秋八月元以友定為福建平章
盡有八閩之地帝命和由明州海道取福州胡美由
江西取杉關而別遣使至延平招友定友定置酒會
諸將殺使者漉血酒中與眾酌飲之誓以死守已聞
杉關破急分軍為二以一軍守福而自帥一軍守延
平和舟師抵福之五虎門蟻附登城守將遁參政尹
克仁宣政使多爾瑪不屈死金院拜特穆爾殺妻妾
二女縱火自焚死時胡美已克建寧和遂進攻延平
友定欲以持久困之諸將請出戰不許數請不已友
定疑之殺蕭院判軍士多出降者會軍器局災城中
礮聲震地明師知有變急攻之友定呼其屬與訣退
入省堂仰藥死達嚕噶齊已哈瑪勒副樞陳英輔皆

自經死所部開門納明師弔友定出水東門未絕也
天大雷雨友定復魁械送京師帝詰之友定厲聲曰國
破家亡死耳尚何言遂併其子海救之延平既下與
化泉州皆望風附獨漳州路達嚕噶齊德爾密寶自
救時稱閩有三忠謂友定質實明州海道自府屬定
拜特穆爾德爾密寶也海縣沿海而南即取
福州之逕道福州唐置元路明府今因之杉關在邵
武府光澤縣西北九十里西至江西建昌府百二十
里延平元路明府今因之五虎門在福州府閩縣東
百里海中五虎山下建寧宋府興化宋軍泉州漳州
皆唐州元皆為路明改府今因之陳友定字安國福
清人徙清流○多爾瑪舊作朶耳麻拜特穆爾瑪舊作
柏帖木耳達嚕噶齊官名首領也舊作達魯花赤已
哈瑪勒舊作白哈麻德爾密寶舊作迷里彌寶今並
改

六

發明按明史友定頗任威福有跋扈心漳州守將羅良責之怨竟以兵誅良而陳瑞孫孔楷詹翰皆被殺威震八閩然事元未嘗失臣節戲翰累歎十萬石海道遼遠至者嘗十三四順帝嘉之卒能父子死義其功罪尚不相掩若庫庫特穆爾忽其削爵見討遂據太原殺官吏致敵人得以乘釁長驅其貽悞宗邦實甚雖元亡後未嘗不以興復為志崎嶇塞外百戰不屈明祖亦嘆為天下奇男子不可得而臣然其始之叛跡非晚節所能蓋固未可與友定相提而論矣

元至正二十五年冬庫庫特穆爾受詔平江淮檄關
中邵國公李思齊等會師思齊故與庫庫特穆爾之
父察罕特穆爾同起義兵齒位相埒得檄大怒曰吾
與若父交若髮未燥敢檄我耶令一騎母出關庫庫

竟入據太原盡
殺朝廷所置官
吏顯然相抗直
足叛矣論者或
謂庫車特穆爾
俊此掀軍塞外
猶然力戰不屈
使得爾逆中原
國事尚未可知
而歸其咎于太
子扶嫌輕加刑
奪驅而為博囉
特穆爾之續生
致宗社淪亡其
所以責太子者
誠當然彼時明

兵已盡有山東
漸將由汴入陝
即使庫庫特穆
爾奮志勤王亦
未必即能恢復
疆宇中興社稷
乃罔恤國家之
患不禦外侮而
轉成內訌累世
忠勤至此而隳
何其蓋也

特穆爾遜入關攻思齊等相持經年數百戰未能次
元帝詔令罷兵專事江淮庫庫特穆爾不奉詔遣其
驍將摩該趨河中欲出不意擒鳳翔覆思齊巢穴行
至衛輝軍變摩該遂不聽庫庫特穆爾節制疏列其
罪狀上之朝初元平章博囉之亂太子阿裕實哩達
喇出奔太原欲用唐肅宗靈武故事自立庫庫特穆
爾不可及博囉伏誅奉太子還京即元后諭令以重
兵衛入城脅元帝禪位又不從由是太子深銜之而
元帝亦心忌其跋扈會摩該奏至元帝乃削庫庫特
穆爾太傅中書左丞相令以河南王就食邑分所部
兵隸諸將太子聞大撫軍院於京師總制天下兵馬
專脩庫庫特穆爾庫庫特穆爾受詔退軍駐澤州其
部將闕保亦自拔歸于朝元帝知其勢孤詔思齊等
東出關與摩該合攻之而今闕保以兵戍太原庫庫
特穆爾憤甚引兵據太原盡徵朝廷所置官吏於
是元帝下詔悉奪其爵邑今圖噶等四面進討

七！

實河中後周蒲州唐改河中府元屬晉寧路明復曰
蒲州屬平陽府本朝雍正三年升直隸州六年
升府鳳翔唐郡尋改府金為鳳翔路治置總管府元
至元九年更為散府明及今因之衛輝周衛國地唐
為衛州元置衛輝路明改府太原秦郡元冀寧路明
改太原府今並因之澤州隋置元屬晉寧路明改直
隸州本朝雍正六年升府庫庫時穆爾本王姓小
字保保平章察罕時穆爾之甥養為子國嚕陝西行
省在丞相李思齊羅山人察罕特穆爾沈邱人庫
庫特穆爾舊作擴廓帖木兒國嚕舊作禿魯罕察特
穆爾舊作察罕帖木兒庫該舊作額高博囉舊作
孛羅阿裕實哩達刺舊作愛猷識里達臘今並改

三月修女誡

帝謂翰林學士朱升等曰治天下者修身為本正家為先正家之道始於謹夫婦后雖母儀天下然不可

使預政事嬖婦之屬不過倫職事侍中柳恩寵或過則驕恣犯分歷代政由內出鮮不為禍惟智者能察於未然其纂述女誠及古賢后妃質實朱升字允事可為法者使子孫知所持守

夏四月新州進竹簞却之

命四方無妄有獻

征南將軍廖永忠取廣東

永忠自福州以書諭元行省左丞何真真迎降永忠至廣州降盧左丞擒海寇卻宗恩斬之遣指揮使陸仲亨署定清遠英德連州肇慶德慶馳諭海北海南諸道皆降安南聞風納款廣東悉平質實州三國吳置元路明府清遠縣梁置元明屬廣州府英德宋府元路尋降州明改縣屬韶州府今並因之連

欽定四庫全書

御定資治通鑑綱目三編

卷一

州隋置元路尋復為州明屬廣州府今直隸州肇慶宋府元路明府德慶宋府元路明改州屬肇慶府今並因之元海北海南道宣慰司治雷州明史六月海南淮北諸道降安南古交址地明史十二月國王陳日燧遣使朝貢廖永忠集人何真東莞人陸仲亨潯人

將軍徐達常遇春大破元兵於洛水北元梁王阿掄以

河南降

徐達下山東會遇春於濟寧引舟師沂河趨汴梁守將李克彛走左君弼珠占等降遂自虎牢關入元守將托音特穆爾以兵五萬陳洛水北遇春單騎突陣元兵二十餘騎攢擊刺之遇春一矢殪其前鋒大呼馳入元軍大潰追奔五十餘里梁王阿掄降嵩陟陳汝諸州次第畧定帝如汴梁改為開封府名徐達至

命率師北伐諭之曰中原之民久為羣雄所苦故命將北伐拯民水火元祖宗功德在人其子孫用恤民隱天厭棄之君實有罪民則何辜前代革命之際肆行屠戮朕實不忍諸將毋肆焚掠妄殺人元之宗戚咸俾安全庶幾上答天心下慰質實洛水在洛陽縣民望遠頓首受命帝尋還應天質實南十五里濟寧元路明初改府洪武十八年改州屬兗州府今直隸州汴梁元改金汴京為汴梁路今仍開封府虎牢關在汜水縣西二里嵩州金置元屬南陽府明改縣屬河南府今因之陝州後魏置元明屬河南府今直隸州陳州周陳國後周置陳州元明屬開封府今升府汝州隋置元屬南陽府明改直隸州今因之阿掄察罕特穆爾之父○阿掄舊作阿魯溫珠占舊作竹貞托音特穆爾舊作脫因帖木兒今並改

都督同知馮勝克潼關

欽定四庫全書

御定資治通鑑綱目三編

卷一

師取河南元李思齊及參政張思道合兵駐潼關火焚思道營思齊移軍葫蘆灘勝克潼關守將迎戰破之遂奪關取華州思齊奔鳳翔思道奔質實潼關在郿城尋共推思齊為總兵會於鳳翔質實華陰縣東四十里葫蘆灘在華陰縣渭水南華州後魏置元屬奉元路明屬西安府今屬同州府郿城隋郡元郿州屬延安路明屬西安府今直隸州馮勝定勝人初名國勝又名宗異最後名勝張思道元史作張良弼

六月平章楊璟克廣西

璟攻永州守將鄧祖勝斂兵固守璟分營築壘進浮橋西江急攻之祖勝力盡仰藥死遂克永州以次定寶慶全州道州藍山諸州縣進攻靜江不下璟謂諸將曰彼所恃西濠水耳決其堤岸破之必矣乃遣將殺守堤兵盡決濠水築土隄五道傳城攻兩月會廖永忠及參政朱亮祖自廣東取梧州元吏部尚書布

延時移爾戰死張翥赴水死定得貴爵林亮祖以兵
來會其總制張榮約降環與之白謂為識夜半從實
賈門入執元平章爾吉納其都事趙元隆陳瑜劉
永錫廉訪司僉事特穆爾布哈元帥約尼圖們萬戶
董輝哈府判趙世傑皆自教移師柳州降兩江土官
黃英衍奉伯顏等永忠亦定南寧象州廣西悉平

質實永州路置貴慶宋府元皆為路明改府全州晉
置元路明改州屬桂林府道州唐置元路明改

州屬永州府蓋山縣唐置元屬桂林府道州唐置元路明改

靜江宋府元路明改桂林府唐置元路明改屬桂陽州

今並因之鬱林漢郡元州明屬梧州府今直隸州柳

州隋置元路明直隸州南寧元路明府象州隋置元

州明屬柳州府今皆因之楊環合肥人朱亮祖六安

人顯爾吉納唐古時人趙元隆字祖森與安人陳瑜

雷州人劉永錫湘潭人黃英衍左江太平府土官岑

欽定四庫全書

御定資治通鑑綱目三編

十

伯顏右江田州府土官○布延時移爾舊作普顏帖

木兒額爾吉納舊作也兒吉尼特穆爾布哈舊作帖

木兒不花約尼圖們舊作元充

蠻董輝哈舊作董丑漢今並改

秋閏七月元復庫庫特穆爾官爵命帥師會諸將復河

洛

圖保摩該攻晉寧庫庫特穆爾與戰擒之以聞順帝

詔可依軍法處治遂皆殺之乃下詔歸罪於太子罷

大撫軍院職知院事已延時移爾等命庫庫特穆爾

仍前河南王左丞相統軍馬直抵彰德衛輝右丞相

伊蘇由東道同圖魯李思齊四道進兵克復汴洛質

詔下而明兵已逼庫庫特穆爾自晉寧退守太原質

實晉寧元路明改平陽府彰德五代晉置軍元路今並

因之○已延時移爾舊作伯顏帖木兒伊蘇舊作

順帝出塞北去
國未嘗失帝號
而子孫相繼稱
汗與明代相終
始至我朝破察
哈爾林丹汗而
元始滅然史家
于是年即大書

元亡以其失統
系而遠避正也
知此之為正則
知宋亡而仍系
是為正統之
非正矣天命何
常常于有德有
天下者果能守
其正亦即一統
僅延亦不可輕
加以貶絕如宋
高宗之遷臨安
雖屬偏安尚未
至于亡是也若
宗社淪亡流離
遁去即不得復

也達今

發明庫庫特穆爾不從太子靈武之謀與奇后內
環攻若拒大敵及其據太原殺官吏叛罪著矣乃
受詔討罪者旋被執執帝即報可何其屈也時

山東河南盡為明有詔書下而事已不可為
矣刑賞予奪太阿倒持國之將亡又誰咎哉

徐達克通州元帝奔上都八月師入大都元監國淮王

特穆爾布哈死之元亡

徐達帥師發開封遣裨將分道徇河北連下衛輝
彰德廣平次臨清使參政傅友德開陸道通步騎都
督副使顧時浚河通州師會帝過春已克德州合兵
取長蘆扼直沽作浮橋濟師水陸並進大敗元軍於

欽定四庫全書

御定資治通鑑綱目三編

十

河西務進克通州知樞密院事布延時移爾力戰被
執死之元帝路淮王特穆爾布哈監國以慶通為左
丞相同守京師遂御清寧殿集三宮后妃皇太子議
避兵北行左丞相寶勒們知樞密院事赫色宜者趙
已延布哈以為不可帝不聽已延布哈慟哭曰天下
者世祖之天下陛下當以死守奈何棄之臣等願率
諸軍民及諸集寨兵等出城拒戰願陛下固守京城卒
不聽而寅夜半開使德門北去八月庚午達陳兵府
化門將士填濠登城入淮王及左丞相慶通平章德
爾軍實保賽音布哈右丞張康伯御史中丞穆辰等
不降殺之餘不戮一人封府庫及國籍寶物全指揮
張勝以兵千人守宮殿門使宦者護視宮人妃主禁
士卒毋侵暴吏民安堵捷聞詔示天下以大都路為
北平府置六衛留都督副使孫興祖守之右丞薛瑄
及傅友德等巡北諸隘口元亡元翰林待制黃敬
仕拔并死左丞丁敬可總管郭允中皆死之翰林學